




八迷奇

卷之十



TIFFEN® Color Control Patches

© The Tiffen Company, 2002

八述奇卷十

鐵嶺張德彝在初隨筆潘士魁校

光緒二十九年十月十四日甲子早晴午後陰冷見冰

英蘭蘇格蘭向為兩國英稱南卜里敦蘇稱北卜里敦


至西曆一千六百三年明穆宗隆慶三十六年因蘇王翟木斯弟

六為英君主伊里斯碧姪之姪迨君主將薨乃許其姪

翟木斯弟六兼主英蘭改號翟木斯弟一其後將及百

年當君主阿安之世官民以兩國一主莫若連合為一

遂合南北卜里敦稱天下里敦是為現在英國之本名



彼時仍各立議院各守律例數年後以為既成一國彼
此議事辦事兩歧非合一之大弊蘇之議院遂併于英
擬定蘇之世爵入上議院者十六然蘇之世爵頗多年
年散聚不利公舉乃定每更換時世爵集而拈鬮得者
入焉

十五日乙丑陰入夜風雨交加極冷西人不尚巫術近
聞倫敦新出一賣卜人佚其名著補花闊袖大氅如中
國古裝又如道士屋之承塵挂古油燈地置一橢圓卓
一端立二燭臺臺前一五色深淺十字籤筒英人稱其

術曰布拉喀爾地華言黑技也呼其人曰斯易爾華言
預知者也人問卜彼即然燭恭舉籤筒取出雜色十字
籤橫布于卓頭再交來人馬掌形磁石一塊令以右手
執之三分鐘後使已之吸力壓下石之吸力則于一橫
十字籤上面順揮一過吸起其籤即按其籤之色斷之
如吸起淡紅色者卜者乃將此籤列于十三籤之首往
來籌算數次而後告曰以此色之籤觀之如欲身躋康
健平安衣須以深藍為主再將此中一十字籤盛以錦
囊佩于衫襖之間有益無損如遇外人附已凡事如意

隨心須頭戴碧玉或身佩之必當有驗如得深藍寶石
尤妙聞遂日問卜者絡繹不絕婦女居其強半云

十六日丙寅陰冷西國婦女高細腰高乳大臀自幼束
腰以縵帶且圍有腰兜作圓形英名闊爾塞地乳小則
於鋪中購紗棉製成當乳凸出之抹胸服以壯觀地皆
類是男子亦尚挺腰高肩以表雄壯腰不直暗用婦女
之腰兜肩不高今裁縫以綢棉作二勺形之袋覆於衣
內肩上

十七日丁卯鎮日黃霧迷漫咫尺不見人未正已然燈

街市左右向來不用之煤氣燈亦皆點起以利行人西
國于物之無益於人者皆設法改制雖生成之肢節為
為其所不便亦整理之近聞英人有以手肥指動不
若人者醫家創一法自配一種沃顏香膏油料用無多

係格里賽林

一種白水嗅之無味嘗之

一百格拉木

拉木二種乾腴末五格拉木乾礮鹼末十格拉木苦杏仁

十五格拉木四藥和一則膏成洗手畢二手搓摩十分

鐘手熱即以指蘸少許香膏油擦之一點鐘後用溫水
淨腴洗去再以克倫香水抹之洗治月餘易肥而瘦據

云是方頗驗

十八日戊辰鎮日陰霧冷倫敦向有一種以甲字形拍子打球戲名鑿台呢斯者詳見現改用八角手鼓因鼓之四圍有小鏡追擊皮球敲鼓搖鏡逢逢鏘鏘勝于拍子夏季戲于園圃草地尤覺耳目一新八角手鼓英名坦柏爾因改是戲名曰坦柏萊婁譯為羯鼓

十九日己巳陰雨西國汽車速率極大婦女喜乘且欲其軒豁車敞而行疾空氣阻力驟加致人呼吸不利由是鋪中創製多式傀儡飾以彩紬目前軍以玻璃戴於

面上俾面不為風力所奪呼吸較暢其價竟有一鎊至三四鎊者而婦女購用甚多亦商人求錢法也

二十日庚午陰雨刻細雨陣陣英國南洋屬地婆羅洲島英名柏呢歐其北界文萊等處之高頭世爵翟色今晚於賽西店約客晚酌數日前折柬來邀西正二刻余乘車至入前次赴飲之大廳此次卓式一橫七縱當中稍短作囍形共坐人二百四十六翟色坐于橫桌中心坐余其右首座也老幼各世爵文武及文士商賈諸客皆曾經東歷雅洲南洋各處者桌上密列金銀菊花玫

瑰各品器四華麗肴酒鮮芬餐畢齊立起舉杯恭祝英
之福止卓對面一小方臺上坐六女作樂亦奏天保
國王既而惠客柏呢歐加非一杯暨大菸捲一盒共四枚
彼處土產也遂息燭演射影燈皆本地風光也土城名
三達堪河名帕大斯激湍叢綠竹屋州堂大與新嘉坡
相似土人身黑如漆亦蘇魯三島之一種也華之工商
現約四萬然畫中不見皆苦工耳看畢然燈復有多人
演說不過國家之福商民之利賴眾精能日增月益云
云子初始畢

二十一日辛未陰昨見九月二十一日中外日報一則
說奴隸蓬髮垢身食穢卧土之民奴隸也摘句尋章懷
挾就試之士奴隸也下吏鞅足手版奔走風塵大臣匍
匐宮廷承順閭寺舉奴隸也考其所論必誤於民主之
國人皆平等之八字也天下文化各國孰無君臣民丁
士子兵將主僕之分苟謂民主國人皆平等何其總統
至他國而舉不以待商民者待之商民至他國而不以
待總統者待之國有總統文武官員謁之以禮士農工
商謁之有禮人之于官長兵之于將帥僕之于主人尊

卑之分固弗以禮于是學術裕者為官為鉅商下此則為兵為農為匠役上流社會中人以學業深淺分顯晦中下社會中人以身家富貧分主僕是皆民主之國有上下之分之明證也其所謂人皆平等者不令藐視欺侮之謂是又各國人民之公例也又云奴隸之習五十年培之豈能一旦脫之惟願此後無賤丈夫為人人加勉或有蜕化之一日由後之說是舍其國之所以為國而自比于猿猴生番也如此變更不奴隸于本國恐將奴隸于他國矣噫嘻

二十二日壬申鎮日大雨入夜晴中國罪犯畫供間用指印謂之斗記印度不惟用此法于罪犯凡官場僱用之僕役辭去時必用指印防其更名別覓地差其人得恩養終身者亦用指印防其人故後戚友冒領聞邇來倫敦蘇格蘭院詳見四亦仿此法男女竊犯銷案時皆留指印印時人為塗墨引其手而印之人多指紋不一分為四大種以便考察曰半圈曰繞圈曰小環曰湊圈昔時牢獄皆用罪犯小照一二十年後再犯案面孔改老不易辨認加用指印則一生不能變

二十三日癸酉早微晴午後陰霧聞英皇幸愛爾蘭時
在寬迺瑪拉地方一日微服獨步至林南村稍倦入一
草舍憩焉有婦曰馬婁呢者潔椅請坐王見其椅削薄
恐不勝其弊重游移間婦言較閣下弊尤偉者曾坐此
椅王笑問曰偉人為誰婦曰魯堤南侯實我國之名
也君曰我頗知之然我為國王較渠不尤重耶婦失色
鞠躬求恕因遂久坐細詢民情君去後遊人入草舍以
得坐君椅為榮者旦夕接踵婦亦因之獲利
二十四日甲戌陰霧極冷聞世爵夫人候撲現擬在上

柏標雷街設一家門會館洋名侯木克勒布凡老幼男
子充當僕役之無家及業傭無工作者皆可寄居牀椅
飲食書籍打球器具咸備無異居家更免流離在外惟
耽酒賭博及匪言惡語必禁

二十五日乙亥陰嘗思吾人之喜學西國之天文地理
格物化學等必持精純確有把握方可傳教與人抑或
筆之于書至其道聽途說者尤須再思而後說以免貽
笑于人乃昨見中外日報一則謂攷上古神州之地有
三大種最北為葷粥族中為蕞族南為黎族葷粥係在

白零海峽未斷時由美洲紅種分出華種則從巴比倫
而來黎族與南洋馬來人同種按諺云天下四方有地
必有人夫我中土堂堂大地一塊為天下五大洲之至
大者較南北二美洲大皆加倍較歐洲且大加五倍雖
斐洲比之亦大折半豈自古無一土著耶苟按所云則
中國人皆外人之流種矣何不自料如此雖云巴比倫
與馬六甲皆在雅洲然較內地極遠且中隔大水高山
至今巴比倫與馬六甲依然蠻貊不如中國之文化如
果係談二種之流族中國之文字語言究當有所相同
何竟一無相類耶至北美洲之紅種現仍腰纏鳥羽更
不必言矣惟中西士亦有言及民之初生由黃河岸漸
次散而之四方者其言尚屬有理可信

二十六日丙子早微晴午後霧倫敦衛斯民司得大教
堂旁之賢皮特臘典文學堂每歲冬季擇聰敏熟學諸
生演戲一齣請人評其臘典語言所以勵其學張其能
也此戲余於二十年前曾觀一次前數日學中提調具
柬請云十二月十四日即今禮拜一及十六日禮拜三
演臘典小戲懇請蒞觀務于酉初二刻前先至教士院

第十九號敝廬。以便接待。酉初。余乘車至。入見其夫婦。並二三的音教士。少敘。同入學堂。坐于臺前。第一橫計。客男女約三百人。所演乃三百年前希臘京城阿三故事。一商名查爾邁者。因其子賴斯柏呢克。司年幼奢侈。擬再出外。實遷數月。冀稍獲利。用以贍家。瀕行。挽其友喀里克。照料子女。并告以家中某屋地下。窖有財寶。查行後。其子依然浪費。至無餘資。欲售房產。喀里克。伴買之。以免害財。歸他人。喀友馬夏婁。迺茲責其私匿他人財物。喀里克。乃掘而暴之。鉅高法伊勒。投之于來喜太。

欲娶賴妹為妻。賴辭以貧苦無妝奩。既以賣房故得有存項。遂允許。其家奴司他奚莫斯。聞之。哭訴。謂如此。恐我主僕。當皆餓斃。乃設法以言勸止。兩人寢其事。不果。蓋來喜太。意不在妝奩。而賴斯柏呢克斯。亦願嫁其妹。乃終被法伊勒。投辭卻。二人無法。然仍各懷嫁娶之心。既而喀里克。立意從中調停。乃高之賴。將地寶掘出。陽為其父由外寄來者。一日查爾邁。歸遇一郵寄人于門外。詢之。即執假信。寄銀者。止說異聞。見司他奚莫斯。從酒店出。乘醉將賣房掘藏。結婚困苦事。縷陳不遺一字。

查爾邁聞之氣結欲仆正喧譁間喀里克開門出視手執鐵鎚正其掘窖時也喀為查細述其由查大喜始怒其子既認來喜大為婿並定喀里克之女為媳通場僅八人裝扮老幼貧富態度頗好衣冠半似埃及人皆赤足著皮底皮帶鞋光頭著白氈斜披花綢一縷其氈年老及足面年幼者逾袴貧者寬袖短襖腰結粗帶髮不剪而捲垂腦後臺正面懸阿三圖一幅遙望樓房皆白色式如泰西惟花木稍異其服色裝飾多與西國教門畫軸同念白不唱語極純熟演畢男女客均回提調

為入門乞書名于簿遂夜酌余與提調夫人及教士六人一席其他男女廿餘環立一大卓僅備冷葷紅酒生菜麪包數色而已食畢謝歸時及子初

二十七日丁丑陰西國天主誕節在即各加非點心鋪鬻李子聖糕喇萊地街查朴曼鋪中一月之工造糕一高四尺周六尺重一千觔飾以金花五彩不知工價若何亦不知何人定造者

二十八日戊寅陰西國婦女喜富類如金猴銀鼠之屬昨柴勒地坊設老鼠會會首牛瓦小姐共聚老鼠六十

餘多人珍賞其色不一黑白斑白金黑皆極淨潔亦皆
馴熟有估直半鎊及十鎊者

二十九日巳卯早大霧迷漫白晝然燈午後霧散仍陰
與內子論及西國婦女著衣梳髮之式頻改余三年前
在倫敦時婦女衣作聳肩去歲到此見其衣之兩肩低
平至夏間忽其袖半仿日本作一形如喇叭其袖則由
肩至肘依然縫緊貼身由肘至腕漸寬至八寸到一尺
時值酷暑以為彼寬袖納風招涼比及隆冬衣粘絨襯
以皮棉而袖仍前式蓋隨時派耳其髮皆皆上攢作髻

髮之短或少者墊以假髮一團或覆以假髻現改落平
作餅或圓或半圓或作三出或四出梅花有出頭寸餘
者或左右垂下至耳或腦後垂下至頸種種不一髮之
不能依式裝梳者鋪中特售一種假髮形作圓圈可大
可小髮有長短色分黑黃價則由十二先至一鎊不一
用法前藏髮內後兜髮外前者後攏後者左右分挽任
作各式故現時新報有云婦女不利脫帽防露假也
三十日庚辰陰赫樂彬宮保之夫人為其孫設小孩茶
會會開于申初收于酉止日前來約遂于今日申刻攜

孫女佑英一往見赫夫人及其女媳幼童稚女陸續到者四十餘或其父母攜帶或其兄姊攜帶或止女婢隨從者樓上跳玩一場畢下入飯廳茶點復登樓鼓琴跳舞各執花扯爆竹數枚互相拉扯澎扒震耳五彩花紙飛滿地隨令僕婢掃淨眾孩復陣陣跳玩乃隨時分贈諸孩玩物大小多種并有糖果糕點各食物西刻謝回使館

十二月

初一日辛巳陰倫敦土俗亦有恰遇何物及佩帶何物

意主吉祥如黑猫進宅謂必發財拾得四葉首者謂將致富以此草皆三葉四葉者不易見也其他佩帶古錢小魚之類皆求吉利洎乎氣車氣船盛于是又以金與銀縮仿其式佩之表練取其興旺值耶穌誕辰多有餽者英王亦置如許華美文雅小物備贈戚友王喜富犬所購金銀質小犬為多今後英人當必以佩帶小犬為吉祥榮耀矣

初二日壬午陰霧倫敦人大餐僅午後一次各小飯店所售至賤者亦須一先耶穌教會中之善心婦女現在

西教斯佛街之安瑪斯街慶斯教堂餘間開一大飯店
用待貧苦傭工婦女不爭厚利僅賺厨竈人工費每日
午正至未正計頃出賣飲有牛乳香茗肉湯食有牛肉
羊肉猪肉麪包糕餅烹調適口每人僅由四本土至七
本土每日食者都二百四五十人物賤如是以用者多
也。

初三日癸未陰霧如昨上月二十九日阿拉柏堂中有
玩物布人會大小羅列四千餘種類不一外有花扯爆
竹二萬七千匣六本土小銀錢一萬一千枚皆善男信
女所施者用備耶穌誕辰分遺施醫院育嬰堂工作房
所有小孩俾之歡度新年

初四日甲申陰霧英俗每于耶穌誕辰家家以燒火雞
為美食售此物有二總市皆在城內偏東地近老城一
名司米廉一名里地霍而通城各雞鴨鋪亦皆售宰成
者更有由奧義色爾維亞各國販來者逐日進口甚多
重八九斤斤十本土半重十斤至十一斤斤十一本土
重十二斤至十五斤斤一先重十六七斤斤一先零二
本土重十八九斤斤一先三本土

初五日乙酉陰。昨聞堪輿坦區之肥拉莫園第八號老婦達爾齡家產直九萬六千三百一十七鎊。歿時遺言以七千二百餘鎊分捨本城各教門善地。餘二萬四千鎊施于斐洲。止南稍西開埔塘海口之教堂內二千鎊。英蘭東南角臨海瑪爾該城之維克都里亞養有殘廢小孩堂中二千鎊。復在哈特麻地方建小教堂一文。其夫及子用作記念計一千六百鎊。英蘭東南角堪特府卜洛斯台城之養病堂及中斐洲之大學堂施各一千五百鎊。南斐洲麻收那蘭地方牧師本國約爾克府牧師各千鎊。禁止虐待小孩會保養羊瀾風諸會亦各千鎊。爰撮其大畧志之。

初六日丙戌陰。頗冷。聞英人新創一種射覆茶會。洋名迷斯特里悌。所請男女各備一紙。或書隱語幾句。或以墨或顏色畫些秘密。到齊各紙挂號。各人猜解。主家備贈物兩分。一贈度詞之奇妙者。一贈其人之第一得解者。猶之北京之鑿虎兒會也。

初七日丁亥陰。今日係西十二月二十五日。為其耶穌誕辰節。鋪戶及人工休息。老幼男女均衣新衣。街遊與

禮拜日同聞當義王與后在文德宮時色爾文達木及
穆爾小姐照料周備昨英君與后各賚一物以作紀念
文達木得一金匣蓋面正中鑿君像像左右有ER二
字堆以鑽石鑲以珍珠穆爾得一胸襟針針頂以鑽石
作王冠鑲以珍珠冕下玫瑰一朵亦嵌以鑽石二人奉
優伶將于明年赴美洲歌演

初八日戊子早微晴午後陰霧冷英國各處有勤工改
過二學堂蓋學堂而牢獄者凡幼童幼女懶惰愚鈍及
淘氣不馴者經其家送來或遣人投入而教養之情必
使勤愚必使明頑必使化本年英蘭一島十六歲上之
男子二萬三千九百十七女子五千二百十八就中努
力學工改過自善者男六百九十一女七十九足徵教
養之匪易也

初九日己丑陰冷輕飄點雪到地即融倫敦現作一種
蛇馳戲俗名蛤蟆來自法國色深綠大如制錢每枚價由八
先至一吉呢此類物性本不甚靈而較靈於蠢獸于是
婦女廣購之盛于大瓶瓶底淺浴以水飼以蝸蟲蜈蚣
各蟲依時教以跳穿約指據云藝成者能連跳八圈凡

設小孩茶會多作此戲以娛樂之

初十日庚寅陰冷細雨陣陣聞前于西一千九百年三月二十日光緒二十六年巴里北方火車棧失去一萬六千鎊在補銀水帳房中十月十五日神叔八明又失去三千鎊今已三年賊未獲且近日各銀行多失金者昨由巡捕捉得三英人于其住所搜出許多布囊紙袋式樣造法無異法京銀行所用者據云其盜法係專在帳房于帳管已收將發各袋潛以假者易之又波爾多海口現奇巡捕捉一剪綵亦英人名倭爾達現年六十

三所住店中搜出許多器具

十一日辛卯晴中國養濟院育嬰堂粥場義學醫院并施捨棺木棉衣薑湯丸藥諸善舉既非勒捐亦不強募而募及洋人者實鮮華人既不宜往募往募亦無門苟得門而入恐洋人亦未必慷慨樂施華人洋人有種無形之契合顛倒是非幸災樂禍小人之臭味同也凡此善舉匪惟不思成全且毀謗以阻遏之其在倫敦則善地善事指不勝屈事無鉅細經營伊始由一二人之善舉既成則逐年費用咸歸捐募如男女老幼各醫院各

學堂養病所棲流所收生所有嬰堂拯救隊啞院警院
作工所自新所猫家狗家義店孩店捨湯寒賤飯店以
及教堂之各善舉郵政局巡捕廳新報館街道局及電
報局等年例均有會又每年耶穌誕前名家婦女亦開
善會或稱濟貧或稱周卹鰥寡孤獨或資助貧家子女
老羸兵丁或施助兵房或募化玩物布人用以施捨嬰
醫院嬰學堂好施者年出萬鎊不足於也募化之法間
及他國寄居之客前于初三日晚巡捕廳歌調劑四城
巡捕子女邀義務男女數人奏樂歌曲于利貞街坤奴

堂浼人購券往聽半月前以函請余遂購入場券六分
付僕人一往昨倫敦美爾來函云米得賽醫院募化年
費舉渠為首渠訂明年五月初三日中明年三月十八日設燕于
美泰普店敬要惠臨以為光寵云云又募券一紙空其
前備書所施數目尾印赴謀與否祈早賜回音各語迫
於無奈遂復以盛饌弗克親赴今助五吉呢

十二日壬辰為西歷十二月二十日晴申刻倫敦美爾
在極樂堂招城中貧苦男女小孩一千三百名晚酌孩
均梳洗潔淨衣履整齊環坐大廳樓上作樂各人麪包

一出冷牛肉加熱蕃薯一盤李子糕一出牛乳一盤及
橘子蘋果類食畢眾孩齊聲祝美爾之福是日入門各
携一券名曰班餽釋為赴宴

十三日癸巳陰冷比見英人由汽車復創一種冰牀洋
名艾斯謀特爾一長方薄木板四角四木足裹以鍍前
二足能左右動如船之舵足前鐵罩式同汽車牀中心
置氣機僅三馬力牀後橫五一極寬巨輪軸連關鍵下
接機器輪前坐一人掌舵柄一牀可載六人輪左右旋
轉借天氣與風力一小時能行十五洋里惜英蘭入冬

少冰今年較冷而地面多澗長江大河偶然結冰冰牀
畏其險不敢駛

十四日甲午陰雨冷是為西歷一千九百四年止月初
一日聞霍勒本街有鋪名夏美芝出賃布帳備鄉鎮之
夏間設樂堂請茶會設筵宴設善會過節跳舞之用并
帶裝飾鋪墊然燈長二十二尺寬十四尺宴客十八人
聽樂三十六人者賃一天三十五先挂布裏裝飾旗幟
之屬加二十先鋪地毯加四十先然燭加二十五先然
油燈加十五先長三十尺寬十六尺宴客二十八跳舞

容三十人聽樂五十六人者一日四十先挂裏修飾加
二十七先半鋪地氈加六十先然燭加四十先油燈加
二十先長四十尺寬二十尺宴客六十人跳舞數七十
人聽樂容百二十人者一日六十先挂裏修飾加四十
先鋪地氈加九十七先半然燭加五十先油燈加三十
五先長五十尺寬三十尺宴客百十人跳舞足百二十
五人聽樂各事容二百二十人者一日九十七先半挂
裏修飾加七十先鋪地氈加一百七十先然燭加八十
先油燈加五十先長七十五尺寬三十尺宴客百七十

人跳舞可百八十人聽樂諸事容三百四十人者一日
一百三十先挂裏修飾加九十先鋪地氈加二百二十
先然燭加百二十先油燈加八十先長九十五尺寬三
十尺宴客二百四十人跳舞可二百五十人聽樂各事
可坐四百八十人一日百五十先挂裏修飾加百先鋪
地氈加二百七十五先然燭加一百四十五先長六十
尺寬四十尺宴客二百人跳舞如之聽樂各事可坐四
百人一日一百三十先挂裏修飾加百先鋪地氈加二
百四十先然燭加百十先長八十三尺寬四十尺宴客

三百人跳舞如之聽樂各事可坐六百一人日百七十
先挂裏修飾加百十五先鋪地氈加三百四十五先
燭加百四十五先長百零五尺寬四十尺宴客四百人
跳舞可四百二十人聽樂雜事容八百人一日二百先
挂裏修飾加百四十先鋪地氈加三百九十先然燭加
百九十先此外別有寬由五十至七十五尺長至四百
尺者皆有定價鄉間無別墅之區用之極便

十五日乙未陰霧夏美芝鋪亦賃卓椅長飯桌寬由二
尺六寸至三尺以尺度其長定其直尺三本土椅子每

十二把三先牛百把二十五先粗凳尺一本土牛帶褥
者尺二本土半白木長凳尺一本土以車載運出城不
逾五洋里無車費逾五里則加算

十六日丙申陰昨見倫敦日日郵報一則題云致信胆

怯之妻前于初七日晨即廿二月柏林城有少婦由

沙洛屯村觀靛之教堂步回家逢次一孩送信一函度

必向來逢此聖節小孩玩戲乞錢遂置兜中抵家拆看

不意內多輕狂暗昧語乃云豔麗美人之讀此數語寫

者深知而讀者必自知既經本夫遺棄可致書知情之

人馬克思云云閱竟或說異或恐懼或交信於巡捕次
早有孩取荅覆馬克思之回信胆怯遂寫信交孩孩持
信飛到一街犄角處交衣服華麗之美少年巡捕已豫
行訪察登時獲供名穆理得曾與其友翁格爾同作
此類信件一百二十耶穌誕日之晨賄人分遞各婦冀
有所得其法乃令小孩執信立于道中伊匿于道旁曲
處見少婦丰采可人者作暗號令孩即遞揣其寄信之
意以為少婦若心有所恐懼回函必贈錢若干求其守
口如瓶也由此以觀則防意如城非所以望於西國之

婦女

十七日丁酉陰霧聞阿克屯街勾爾車行共畜馬五十
八匹每年正月一日亦犒勞一次飼以紅蘿蔔紫白麩
包平果糖塊乾餅各物盡行割碎拌勻計五十八匹中
強壯常用者三十五因羸老不常用者二十二養已三
十八年現僅餵養而不用者一計所費壯馬一年二十
六鎊羸者七鎊零

十八日戊戌陰涼聞耶穌誕辰葶酒克里第地方某學
堂女生冠美葦貫一小木桶滿糖果及鳥雀應食之穀

料懸于樹杪，少頃百鳥飛集，爭食鉤餌，格磔其聲震耳。女名其桶曰耶穌誕辰，百鳥晚餐，桶又曰耶穌誕辰，百鳥樹。

十九日己亥，陰不甚冷，而正月六日也。倫敦美爾李吉夫人訂于今日戊戌，刻美爾府中開小狹，任意跳舞會。洋名茹位呢者，希得蒂斯波，即任意之謂。各孩裝束可隨意，改扮為今古本國他國官民蠻野男女各童，至少者六歲至長者十四歲。上月中旬豫來東，請已復以願携孫女與會。復來一柬，上印請將姓名年歲及何式裝扮。

註明以便登樓見美爾夫人時，遞與報名人傳姓名及裝式。戊戌初，余令孫女梳雙髻，戴花乘車，至見其所有規模，同去年童男女約四百餘，有三女著日本服，二男著中國衣，頭戴官帽，身則著女裙，鞋又一男面塗紅塗，頭頂一圈，背垂兩縷，皆烏翎，長八九寸，色分五彩，著土紅色綢，緊靠假作赤身，腰圍花綢一縷，仿北美洲西印度之野人也。堂正面奏樂跳舞八場，至亥初，眾孩兩兩由美爾夫婦前走過，鞠躬為禮，畢登樓夜餐，酒食豐渥，勸進良殷，賓主款洽，樓上專列五卓，作坎卦形，皆貴客也。

余携孫女與美爾夫婦及他男女十餘坐中長桌其他男女及小孩在別間食畢余扶美爾夫人下樓仍入大堂坐觀眾孩跳舞七次乃與握手謝歸時已子正

二十日庚子陰雨倫敦有種養贍堂英名倭爾克高斯譯為作工房凡男女之貧而無業者投入此房量其所能作工具有飲食卧房閒坐步行看書寫字之費款由善人施捨通城此堂不知幾許惟聞寄居男女共七萬三千六百零五前初七日因耶穌誕辰給以美餐一頓據云通城費共萬鎊就馬力賁街之約爾克養贍堂論

之已二千二百餘人懸國旗于大廳四壁琴臺飾以花卉食則烤牛肉燒番薯李子聖餅啤酒半斤橘子二枚菸葉一兩婦女之不能喫酒者各給茶一盃食畢齊立恭祝天保國王

二十一日辛丑陰霧京中風俗於重九日登高喫烤肉倫敦則夏季約戚友男女郊游于州地午酌昨初七日英蘭東南角臨海之佛克森地方有人別開生面乃侵晨面海早餐男女三十餘人皆本地土著之厯海邊洗浴常晤面者共是早卯初海邊齊集斯時天氣溫和

平如鏡。各人下水浴畢，共在岸邊照象一張，以紀其盛。遂環坐早餐，所備惟冷葷熱加非麩包糕點而已。食畢，各人菸捲一枚，中有名法格者，因周年海邊浴期，每期必與眾人公贈一銀寶星，用獎其勤末，乃同唱野曲一陣而散。

二十二日壬寅陰雨陣陣，昨晚脚西吐倫敦臺設孩童

茶會臺上之老侍衛及守臺各兵之子女成丁者九十
七未及歲者百二十，食則加非糕點，眾孩先作傀儡小
戲，既于樓上設耶穌誕節小松樹，懸以各種玩物，俵散

經英美兩國販賣，昨在蘇格蘭東界臨海登第城售去
二噸半，每噸三千鎊。

二十六日丙午陰雨淋漓，聞英蘭東南臨海色賽府之
卜萊敦地方有葛林者，生于西千七百九十四年八月

二十二日乾隆五十九年寄居其婿魏斯庇家，昨于西止月初

五日病故，年百一十，子女十人，孫子女二十二人，曾孫
元孫不詳其數，可謂福壽兩全矣。人言其致壽之由，伊

本一鄉農，每禮拜僅獲十先日所食，惟瑞典蘿蔔鹹猪
肉、白菜、番薯，不知牛羊肉為何物，至九十二歲尚事耕

種半年前已聳瞶猶能自行脫衣著履當其幼時星士相之謂當作一百歲老翁云

二十七日丁未晴入夜風西國工等中等之男孩女孩或入學或與會罕有爭鬧喧嘩哭泣淘氣者昨于耶穌誕辰創一小孩分獲玩物法名曰蜘蛛網乃玩物百種收存一屋每物繫一極長絲繩繩分五彩由此間穿入別間中編成網繩之頭皆在別間屆時各孩于別間任意執一繩頭步步順網解繩解至玩物屋此繩所繫之物即贈此孩玩物不一律各孩所獲好醜憑其際遇明

經英美兩國販賣昨在蘇格蘭東界臨海登第城售去

二噸半每噸三千鎊

二十六日丙午陰雨淋漓聞英蘭東南臨海色賽府之十萊敦地方有葛林者生于西千七百九十四年八月

二十二日乾隆五十九年寄居其婿魏斯庇家昨于西止月初

五日病故年百一十子女十人孫子女二十二二人曾孫元孫不詳其數可謂福壽兩全矣人言其致壽之由伊

本一鄉農每禮拜僅獲十先日所食惟瑞典蘿蔔鹹猪肉白菜番薯不知牛羊肉為何物至九十二歲尚事耕

種半年前已聾瞶猶能自行脫衣著履當其幼時星士相之謂當作一百歲老翁云

二十七日丁未晴入夜風西國上等中等之男孩女孩或入學或與會罕有爭鬧喧譁哭泣淘氣者昨于耶穌誕辰創一小孩分獲玩物法名曰蜘蛛網乃玩物百種收存一屋每物繫一極長絲繩繩分五彩由此間穿入別間中編成網繩之頭皆在別間屆時各孩于別間任意執一繩頭步步順網解繩解至玩物屋此繩所繫之物即贈此孩玩物不一律各孩所獲好醜憑其際遇明

主人之無偏待也又一種玩法一白色圓木靶中一紅

心四圍環丁小針若許懸之簾幔或芭蕉樹槎倫敦富

綠木桶植芭蕉于屋角或立一布馬背上次以五彩翎毛小箭長

約二寸餘黃蠟團球作頭男女各孩每名三支一一立

數武外向靶擲之有能擲插針上且連在紅鵠者得上

賞他則但能拋插針上亦各有賞惟所得者不同耳

二十八日戊申陰聞小孩齊會嬉戲得物者又有三四

種一以花草飾一長木匣作船形上立勺勺臘小人幾

許船內藏以糖果并錢五先令各孩猜指錢所在猜得

即取錢與之。旌其能。誤指者亦各給以糖果或勺勺臘
少許。無一向隅也。二用百數十朵紅白紙菊。飾一金罐
作車形。車頂置一糖錫口。嚼花挺數十小瓷人。腹盛糖
果。今立花中各給一名。如馬麗阿尼等。屆時付各孩一
人。名單令猜何瓷人何名。其猜得數多者。即得首贈。如
糖錫瓷人等。未猜得者亦給以瓷人一個。或糖果一小
匣。三用白菊飾一長匣。作火車形。內坐男女小糖人。若
許。到晚令各孩約計作此車。共用菊花若干朵。得確數
者得上賞。數與確數近者亦有賞。四以帛畫帽架懸諸
壁上。別將一紙帽文。以帕蒙面。小孩屬其執去。以針插
於所畫紙帽架上。懸挂得當者賞。

二十九日己酉。陰霧入夜。風音特。本街路燈左右兩行。
共然煤氣燈六十一盞。共有一萬一千燭燭之力。兩年
前改在中央點齊森行之油燈十二盞。燈高光亮。足有
一萬二千燭燭之力。價與六十一盞煤氣燈同。入冬以
來。行中致書城邑局。欲稍增其直局中。未允。遂于今日
盡行掘去。將道墊平。大鑲筒以蔽車載。走又數日前。彼
行曾登新報。向住本街各家訴明其情。夫外國街道之

平坦淨潔路燈達旦便人夜行所費官錢皆左右住家
之租稅也我國人之居洋租界內者知之否

十二月

初一日庚戌早大晴午後陰入夜雨倫敦自冬徂春向
不甚冷冰結僅二三寸而已江河小湖依然水流盪漾
西一千八百九十五年光緒二十一年冬始冰結二寸今年東

風凜冽寒氣龜膚小湖池沼冰厚由寸半至二寸餘自
上月中旬迄今則以二寸為無險各處男女朝暮為走
冰之戲往來如織中國則東風解凍東海溫流至而成

風也英國則東風結凍波羅的海一帶多寒流俄國之

風也

初二日辛亥陰雨近在英蘭中界北司丹佛之鐵道一
帶婦女頻被搶劫昨見新報內有婦女遇劫治敵之法
有四雖云婦人孱弱然有四法在心或可得免于萬一
也第一如對面以右手擊來女可以左腕格之隨以右
手觸其口或批其左頰第二若其右手入懷即挾以右
臂而以左手勢其指或腕第三如自後偏身一手樓來
可一手攙其上身而後推下可一腿伸其腿後而前撞

其人自倒第四若自背後雙手由肩上伸來可擒其兩
手盡力斃之或曲身背起而擲之于地

初三日壬子陰雨冷英俗男女出門多不携子女盡留
屋內扃門而去天寒鑪火未熄嬰孩每多爬入殞命現
鋪中出售一種木籠式長方高逾三尺寬可三尺至五
尺容二三四小孩在內嬉戲納孩其中鎖籠門而去自無
他虞

初四日癸丑陰霧泰西英法德俄四大國雖富強而尚
多貧民冰雪嚴寒之季貧人投宿避冷惟英有小店四

種

詳見六法
述奇

法京男女貧民之無處棲宿則夜投巡捕堆

撥借住次早即出謀食德京官設藏身所六七處洋名

五第尤之牀榻卓椅畢備入者給以熱湯麪包若其人

誠可憫間有給暖衣由養於所必待覓得掃街掃雪各

等工作始放出俄都一年幾至三季寒冷雖不設貧民

暫宿所而各街市入夜設大銅火桶高約三尺周七八

尺四面攢孔內燒紅煤使貧民寒夜暖身

初五日甲寅陰雨倫敦之大照象館遇有名人之品高
位尊者屢具柬以撮影請勿輕諾也恐被照時或不索

錢印時則索錢向例出資人使印則玻璃板歸出資者
鋪中不得再印出售祇准鋪中印一張置玻璃窗內俾
人觀瞻丰度品評光學若不出資使印則原片存本鋪
無權止其不印售也報館入新報書行編書以及考訂
家欲得名人之小影購之鋪中鋪中獲利甚多且照畢
而印索價極昂如前日倫敦美爾請小孩跳舞會有三
零來函請携孫女往照照後印之竟索八先一百九十
六先十二頁按銀價幾至四十兩

初六日乙卯陰涼入夜大霧由櫺隙吹入滿屋迷漫北

英蘭約爾克府之巴特雷城有製造黏蠟局名卻樂爾
男女老幼工人六百六十名自上年局主向眾約定一
年不吸烟屆時有犒賞昨日及期因眾人如約犒賞人
各一鎊聞其中男子老幼一百四十一婦女五百一十
九更有男工四十名誓終身戒菸者查局主本意必為
防火如此犒勞人必悅服如此立約有益人身一年所
費無幾自與失火所失天淵之隔矣

初七日丙辰鎮日陰霧白晝然燈西俗君與后以次皆
可晨夕微服街游英皇偕后太子暨妃與公主輩現往

文恣宮昨英皇率太子自午初至申獵于文恣園雖淫
雨不止也皇后率太子妃及諸郡主縣君常服游街在
照象館購小照多頁又入骨董鋪買大小物件甚夥鉅
者送入宮中小者皆盛入衣兜買物時鋪夥不知為后
也太子妃也及付錢寫住址已知之并無加禮款待無
異他客惟稱謂不同耳

初八日丁巳陰雨陣陣入夜大風連日陰雨街市行人
皆張繖由是後行者不辨前行者為何人同行者隨從
者或因人眾或以他故相失覓之不易因此新創一種

透光雨繖能使後行者見前行者之頭質似玻璃而非
色如象牙不知何物所成其直未聞

初九日戊午陰雨入夜風雨交加冷倫敦烤麩包爐向
在地下其中極熱工人皆赤土身每日在內十點或十
二點皮膚生瘡胃亦染病業此罕有年逾五旬者爐中
熱氣由地上蒸既與地上住戶不宜亦與往來行人無
益于是官定新章自今後須設法改良不使工人赤其
上體並保護人身不使染病熱氣上升不使有礙於人
凡屬新爐皆令安於地上舊者仍之馬力賁街一帶舊

烤麩包處八十三七十七處已領官憑改辦他六處意
將關閉俟再開時改送地上云

十一日庚申鎮日風雨交加頗冷西國婦女有種白紗
織花手帕工細價昂婦女購之僅為壯觀誇富之用納
于喇叭袖口或手內執之皆不十分露出自新製雙環
約指盛行上嵌珠玉下垂細金練練下有鈎以繫手帕
每一舉手而珍貴之手帕見矣

十二日辛酉陰雨陣陣英蘭東界堪卜立址城賴斯學
堂前善士賴斯所立經理一切費用為色爾車樸因一

年辦事精審學中人公遺一銀壺又德卜林城教務學

堂名特立呢的因總教師巴柏爾

其人于十年前曾在湖北傳教

一年

有功公贈開青紙袖紅毡氅一件二人同定于今晚成

刻在瓦喀的里街之丹青館受贈並邀戚友助賀與他

學館之茶會同車樸與余相識

前數日

前來東請屆時

余率榮驥乘車往入登樓見車樸夫婦與其二女繼見

巴君夫婦大廳軒敞男女客二百餘四壁懸五彩水畫

千幅山水人物工極精細正面臺上樂工一班陣陣鼓

吹亥初樂止臺邊置一長方卓陳銀壺及紅氅臺前對

面列椅多行第一行僅五椅為余率榮驥及車巴二夫人坐坐定車巴二君登臺以次各立演說一段既已教師披氅下臺各人鼓掌稱賀樂復作而歌導者引余與榮驥至別間各飲加非一盃辭歸車巴二君送至廳門子正回使館
十三日壬戌微晴聞德軍將于下禮拜起隊赴印度東北界歐得省之都會勒克勞城其地東界那百里北連西藏德皇賜眾武官精巧馬鞭各一以作紀念以勵戎行

十四日癸未陰雨西國販賣人口之禁例雖嚴而執法者多聞昨在法國渭洒地方現三僑居之英人周十安某日向一收生婆云妻生一孩產下即斃因其待孩心重未經告知願來由他處抱一新生孩來充之以安其心收生婆應允蓋因昨早某家收生第五孩因無力哺養願他人抱去也孩至周十安喜收償孩家索直若干并酬收生婆若干不意事洩巡捕捉去裁判兩造各定何罪未聞

十五日甲子白晝陰雨入夜晴各類禽獸皆有來成之

本形非可由人矯揉造作。乃倫敦現有狗醫不知其名。自言善變狗貌。各有定價。如狗嘴短變長。長變短。三十
二先。猛犬面生縐紋。六十四先。此狗名狗尾直毛變
捲毛。十六先。狗尾細小變粗大。十六先。梳洗剪割餘毛。
每一點鐘。四先。改變顏色。二十四先。垂耳變立耳。或立
耳變垂耳。皆十六先。使猛犬之前腿彎曲。或內收。或外
撐。皆八十先。據其所言。是狗嘴亦可生象牙矣。諺不云
乎。狗嘴焉能出象牙。

十六日乙丑微晴。英外部大臣藍侯夫人請奕正二刻。

茶會屆時。余偕內人率榮驥乘車往樓前。客車行。行羅
列。燈光燦爛。如火龍門內。眾客擁擠。以次各國公使至。
惟日本文武參隨至六七人。朝鮮僅一人。慘澹孤寂。未
免向隅。俄雖十人。而器宇軒昂。中少立即去。

十七日丙寅陰雨陣陣。乃西曆二月二日。未正英君開
議院。未初余偕內人乘車往。一切如前。惟英君宣詞云。
英君諭上下兩院爵紳曰。我國外交現仍友好如常。我
政府已與法政府訂立公斷條約。將來公斷之風。或可
因此而盛行也。前年朕遊法都。法總統亦遊倫敦。嗣後

兩國官商又相過問。是皆兩國人民友好所致。今之公斷專約。即其明徵。約中之利益。且勿論也。又我政府現正與義大里政府及和蘭政府商訂公斷條約。又我之斐洲屬地與葡萄牙之斐洲屬地。界線宜劃清。我政府已與葡國政府商立約款。訂歸公斷。已請義國君主為此案公正人矣。上年三月初三日。我政府與美國政府訂立專約。將亞拉斯喀爭地之案。請公正人判斷。各員在英集議後。兩造爭辯各節。有判歸我國者。亦有判歸美國者。興雖言至此。不無怏怏。然數十年積案。今能一

旦了結。免致將來爭執。亦可喜也。立界務約。每因不明地勢。彼此齟齬。常事也。征蘇麻里蘭大軍。現隨時隨事酌量情形。力圖前進。提督艾爾敦所統之兵。日前大獲勝仗。穆拉之威權。從此可望挫滅。而地方可期安謐矣。義大里政府及阿比希尼亞王。皆竭力襄助。阿王現已創立一軍。飭由西邊進取。此實有益于我之軍務也。日俄現為中韓利益起見。互商辦法。其商辦情形。予時留心。不能為之釋懷。東方和局。如果不保。關係必大。我政府苟能力為調停。固所願也。上年二月間。俄奧兩國所

擬整頓馬賽兜呢亞之政策。凡與商柏林條約之各國，皆允准可行。此項政策，近又經修飾之，增益之，申明各國皆以為可行。土皇始則推諉，耽延時日，旋亦允准。俄與所議整頓該地方政策，實為當務之急。現交冬令，談憲亂事已息，予深願得于此時急施行也。其所議政策之中，以整頓馬賽兜呢亞巡兵為最要。此事已由土皇簡派義國武員為督辦，予聞之甚為欣慰。其幫辦各員，由各國委派。予已簡派一員，該員亦有別官數員襄助。一切一千九百二年各屬會相臣在英議時議准。自後

英屬各處防務，各屬當格外竭力分籌。今聞澳屬及新錫蘭各處皆已頒行條例，俾得所議得行，予心甚為欣慰。新錫蘭頒行之例，并非英國運往之貨較他國運往之貨可以納稅較輕，以示優異。我國布業，恃外來之棉花為變通。今聞外來之棉花不敷，或布既少，則市布購花之錢亦少，不覺憂之深望。英屬各處試辦種棉之法，冀觀其成效也。我國之派員赴藏也，蓋欲藏人之奉行。一千八百九十年所訂之約耳。此舉曾與中國政府商明。北京業已簡員赴藏會商一切，予望我國所派之員得

與中藏各員商定辦法俾我印屬北地水無時啓鄰釁
之故此案宗卷不久即將送交汝等閱看王諭下議院
諸紳曰今年所籌度支冊不久將交汝等核閱所籌各
款業已力從撙節惟水陸武備亦不能不為講究所費
自亦不貲可否節減之處俟將來籌議整頓陸軍及整
頓兵部事宜時再行商酌既又諭上下兩院爵紳曰禁
止外洋窮民來英條例酌改在英買賣燒酒條例酌改
估價師條例酌改蘇格蘭學例酌改整頓工人性所條
例皆不久送交汝等核辦其賠償受傷工人條例整頓

衛生事宜條例限制鋪戶作工時刻條例皆議商改戰

時兵船追捕敵船各條例擬

纂成本下議院院紳

簡授官職例告退以待原舉之人再行公舉現擬另頒

條例不必照原議辦理蘇格蘭人烟稠密各處之學務

處其事權擬頒例加增捕取海味條例擬亦酌改予惟

祝彼蒼庇佑爾等示我程途宣畢還宮中止回使館

十八日丁卯陰雨夾止色莫實公夫人請茶會聽樂屆

時余偕內人乘車西南行六七里至格婁伍諾坊第三

十五號下車登樓見色公夫婦樓房不大而華美淨潔

廳房左角設一大琴後立男女六七鼓琴歌曲甚好少
立下樓登車子正回馬色公年約四旬其爵于通國為
第二其夫人則列第一因位列第一之公爵尚未娶也
入夜微風晴

十九日戊辰天微晴日內頻雨倫敦飯店多由德法義
三國人開設有廉價可供貧人者每餐八色猪牛鵝魚
之品咸備僅數本土不知何由賺錢細為調察一堂皆
皆他國之閑散幼童厨竈屋地牆壁二食物皆非清晨
薺來新鮮潔淨者如魚每日待市門將閉買其剩餘價

只一本士一斤大店所用牛羊肉零星斜出不能入盤
者皆分賣小鋪斤二本士各物購來洗以醋使無異味
每禮拜訂買丹國之醃猪頭初到二三日內冒充小牛
頭及皮剝盡乃割之作鹹肉鵝性甚馴外國幼童一執
布袋一執包穀各食清晨擇少人處招鵝隨飼隨捕街
市捕鵝有禁遂竊賣于小飯店直極廉每晨雞蛋到市
木箱筐籠數及千百就中有損壞磕裂者飯店以一先
一百枚取之用作冰乳蛋羹湯之有清濁兩色實皆一
種乃買大店雞骨雜以猪油大鍋熬之日加骨與脂油

不改湯清湯起即此鍋中濁湯則攪以白麩少許。冒名番薯湯。

二十日己巳晴。聞上月某日蘇格蘭正南拉那阿府中。莫色衛城之火車棧二轍之間突陷一孔。周丈餘。自上視黑暗無底。繫燈窺之。為往年挖盡之煤礦。雖未傷人。而車軌在此類路綫上。究屬險地。英之煤礦鐵礦極多。鑲軌之在地面地下屋上者。往來盤旋如蛛網。不知將來何所底止。

二十一日庚午陰雨。中國有菜果名多段。借即如木犀

肉乃猪肉與雞蛋也。此不過呼雞子為黃菜。段色于桂

花耳。猶可意會也。碎肝和粉漿灌于腸而煎之。為燒鹿

尾。洋桃之皮光潤如豆角形。味皆不似桃。海外亦有之。

印度孟買產一種細魚。長約半尺。周身無刺。極肥。曝乾

油炸食之。名曰孟買鴨子。倫敦一種乳油澆麩包。名曰

衛拉斯兔。又在西印度英屬地。扎美喀島。地在古巴產

一種鮮果。大如甜瓜形。同木灰。外皮鱗甲層層形。如松

子之房。北京呼為松塔色如朽木。嫩者微綠而黃。囊白色。肥嫩

充滿。粵人譯曰番荔枝名曰柯斯他爾達。普拉譯為雞蛋羹。平

果

二十二日辛未白晝微晴入夜風雨大作涼昨閱新報
一則英蘭南界司達佛府之庇多福城有挖煤夥計二
人一李賽一查斯倭李已娶而查尚鯨也李嗜酒長醉
查私其妻一日李囊空無酒錢以十五先賣其妻子查
妻得信即時料理改嫁遂居次日李酒醒悔價太廉與
查爭執口角事聞巡捕男女三人被逮不知如何了結
誠奇聞也

二十三日壬申白晝陰風怒號入夜大雨倫敦大路中

凸左右凹微作橢圓凹處接兩旁行人窄道較高三四
寸窄道下大路凹處隔如千步鐵製溝眼兩兩排比下
連暗筒上分下合作V形合處入地溝兩後窄道大路
之水匯流而下達于江河以入海英人韋安新得一法
將大路改成中凹循其凹計步鑿溝眼接以直筒入地
溝僉云每一洋里可省由五百至八百鎊

二十四日癸酉陰雨聞倫敦將來車新立一會曰大咬
會洋名門池英帕爾悌乃使人細嚼緩咽食物消化速
而人無疾大要謂納物于口必嚼三十二次而後下咽

若生葱之類尤必嚼七百七十二次待其滋潤而後下
咽口中自無遺味總之食物必待咽之潤喉而後已食
物宜慢入口既入口子細舂其味隨嚼而津液合遂滑
澤由喉入腹天與人以牙齒牙齒之用將使物爛而下
咽牙醫之補牙甚有益於人

二十五日甲戌早陰中正雨聞上月間司達佛府漢立
城之畢克里家一夜被穿窬盜失去珠寶直五千餘鎊
箱麓玻璃罩上遺有指印遂取影送官三日後巡捕由
指印訪捉一名戴威斯乃彼地挖煤工人也其人招云

所竊之物包以手帕擲諸巴斯街之水池西國緝捕能
由指印于三日間捉賊亦可謂精速矣

二十六日乙亥陰微風英蘭西北界格婁賽斯得爾府

柴勒塘城參將卻樂爾習巫術多年深信鬼神因與一

女鬼相善彼此恩愛惜未聞其名上月某日在屋設壇

招鬼其所善之女鬼從簾隙中露面年十七八丰采韶

秀飄然曰我父曾在中國充副領事我隨我母住姨母

馬里亞家我塾中女教習為傅萊哲小姐我名伊薩貝

故已七年今得與汝相好喜汝情深為願已足云云言

訖不見此事苟非光電之緒餘則其明確顯然誠為奇特

二十七日丙子陰雨陣陣英內閣大臣倫敦代立侯夫人請赴英王二刺之茶會屆時余偕內人乘車往行約十里至海峽園東之帕爾克巷入倫敦代立府登樓見其夫婦後轉入大廳男女擁擠如蟻遇藍侯及他相識者多人少立隨眾環繞他間遂間陳設華麗鮮花百種富俾王室下樓入飯廳飲加非一杯食糕點少許登車回使館

二十八日戊寅早晴酉初驟雨一陣雨後復晴聞上禮拜某日蘇格蘭東北界克拉喜村貧民屠里夫婦生三子皆幼相與出外傭工鎖門甫三子於內歸來啟門三子皆燒斃于爐前英君聞之乃傳諭屠里夫婦謂因三子所失之財產國君施恩概行償給云云屠里夫婦感激無既英君之行小惠結民心者如此

二十九日己卯陰雨外國碎貨鋪貨皆列於窗前櫃邊購者隨意挑選婦女遂以靚妝華服謀為竊取其法第一由特派女衣袖作喇叭形中藏古米絛鋪影向內覓

取他物時將所擇定物之直錢無多者如手帕絲帶之屬以古米繫入袖中第二法則携小孩手提敞口皮兜作盛食物之具得間則暗令小孩竊取急納于兜第三法少婦抱一嬰手携一大者入門坐櫃前椅上加小者于膝上選物多件故為挑剔鋪夥將轉身即撿一二件放于小孩臀下少刺大孩復由小孩臀下抽出速入皮兜如此伎倆人多不覺以小鋪皆一二人看守耳目難周之故

三十日丁丑微晴英國城鎮有等酒鋪洋名巴爾每在前旁兩巷相交之三角處地基頗隘樓雖三四層僅佔地面一層式作摺扇形正面立酒格格前橫酒櫃一圈形橢圓酒櫃上品櫃內藏啤酒滿壘前有龍嘴上立開閉龍嘴之銅柄高盈尺如棒槌按杯售之僅一文錢耳櫃前以短木層層作格中僅容立二三人蓋入此酒鋪者皆中下二項人恐人雜語多致有醉漢口角滋事堂倌為婦女飲客則男子邇來法京立新章婦女亦許入飲自定新章後雖上流社會婦女亦多前往云又倫敦各鋪店之工作皆于禮拜六日午後寬工半日此類人

每于是日得工直即入肆求醉不旋家顧妻子昨極樂
堂有阿得曼柯斯拜謂工匠放工半日原為辭恤以時
事論之竟非斯人之福計今後莫若仍使之作工停此
半日之歇息有益于人多矣

光緒三十年歲次甲辰正月

初一日庚辰天晴暖辰正率眾參隨著蟒袍補鞋向北

恭拜

聖牌行三跪九叩禮畢互相團拜倫敦新報約有千種各報
館訪事人不惟于本國本城朝夕探詢并招人專在各

國都會偵其國事不特此也館中又有專論一國事務
之人更有不專屬一館而零碎報事之人即如倫敦之
泰晤士報館總辦一人年薪四千鎊每日成刻廣集譬
如是日由俄都探事使來電字少而事繁總辦即喚本
館專論俄事者至示以來電是人持去盡力為長篇寫
成遞總辦讀過或添減或塗乙或易數字或易數句或
一字不易是人持去湊印成稿稿成閱竟無差則付大
板刷印時及丑正是人方去若專論某國事務之人于
會集時不見某國來電即散此輩每日工費每晚能以

短電申作萬言而成兩大行者泰晤士報字大如蠅頭每行長逾二尺寬約二寸酬四鎊其分住各國每人工費計國之大小每年二三千鎊不等至于零碎報事者工錢由館中將其所報者逐段採積每足一行付二鎊或三鎊亦一種生涯也聞此報館之總辦名博克勒年逾五旬教斯佛大學堂得有三次考憑之超等學生精通幹練強記博聞無心仕宦而以學問致財一年所獲比諸西國大員俸祿殆將過之

初二日辛巳早雨午初雪雪後復雨雨後微晴既而仍

陰日俄構兵起釁始自上月二十三日初二日屈今僅八九日無非在海口水面施用水雷火銃暗行轟擊尚未見有明仗乃前于二十九日即經駐英日本公使夫人率在倫敦日本各婦仿西規出帖登報募化以便賑濟陣亡水陸各兵之寡妻孤子等按其帖云敬啟者凡吾人之在此地者當思本國國家時事之際必至念及本國水陸兵卒執槍佩刀為君為國之辛苦艱難因而惻隱憐恤之心生夫人奮勇為國捐軀忠心陣亡其妻因而致寡其家由是而貧故本夫人等因思公請我國

之人同心努力各施善舉以撫恤之是不專為樂善好
施亦誠為吾人之所當為者因公募一款題曰募化賑
濟日本水陸兵卒寡妻孤子之善款願吾人各發善心
隨便施助然不敢特請本國之男婦雖他國與日本友
厚之善男信女願有所施則本夫人自當代為感激無
既也如有信件祈寄比期談街第八十四號文日本總
領事收啟如有善款望即匯送比期談街第百二十號
交日本長崎銀行為感云云

初三日壬午鎮日陰晴不定涼今日復見新報一則題

曰英之聯盟據云昨經林董夫人倡首率眾往英日本
婦女設會募化用以賑濟其為國盡忠各人之家眷以
及受傷各人夫英與日本之會盟同心可即于此善會
徵之蓋日本窘迫其民自不能資養其勇兵于醫院使
之一切安居自如亦不能使其不顧身命奮拒強敵各
人之妻子少受無人養育之苦也
初四日癸未白晝晴入夜雨英國大小學堂幼童幼女
教法由三歲至八歲每日教二十六字母及以字拼話
讀小書并隨時講解事蹟小說令誦習之聞前某禮拜

日有阿赤巴勸眾男女教習云教男孩女孩均以簡明古蹟小說良法也而教習或由書中選錄或由自行編出雖少虛誕之言亦有未盡安者蓋此等教科書紀事不妨假託而其理要必關乎人一生循守以盡其所當為之事實也先入之言乃發蒙之本栽培其心地俾無偏見無幻想無妄為不更進而益上歟

初五日甲申陰西國療病不僅藥水丸散諸品更有電澡光澡及駱岑之照透皮骨光詳見六等倫敦醫院現多有備齊者然費款頗鉅故惟至富者用之而至貧亦

用之者因其無力償費施捨之所以邀譽也至于中戶醫生不敢背院章耗院費出此珍品療疾且其人亦不願傾囊償給故有善法亦不能一視同仁也以此電學會及紅十字光治會曾于西二月一日廿廿六日公立一電光醫館在埃得衛路第三十五號各醫院之中戶病人有須用電光諸法調治則送入此館據云所費較醫院半之光澡是為晒日法小木房一或玻璃室上下四旁不使透風病者赤身在內置映日光晒之去肌膚以內之疾西法謂日光能殺人身之微生蟲云

初六日乙酉陰風冷入夜尤烈西人謂一人寢室必得一千平方尺空隙之空氣供其呼吸始無病故凡貧戶矮屋每間居人何數寢室睡人何數官不時派人詳察英例國之風篷輪船將啟棧均報商部派人察驗專載貨者不得載人船之新舊大小貨之分量重輕于載運招工察驗尤審既勘船身復稽其所載人數卧立空隙是否足供呼吸厨竈是否可造若干人之飯食食物是否新鮮淨水箱中水是否足供一路卧榻是否敷用通船上下是否潔淨一或不當令其變更如例毋或不從

船將開復驗一次再有違例拘留不准行皆所以衛民生也

初七日丙戌微晴英之規則凡禽獸供人日用者或種類新異或畜之得當適人之口腹長人之精血如牛馬猪羊雞鴨鵝雞肉嫩而白骨細而糞小鴨兩月即肥大如飼半年者皆有人購而孳息之官更有賞焉去倫敦西北百里埃斯百里地方一種肥鴨極輕嫩昨于稼穡會中一隻雄鴨得第一賞人以七鎊十五先買去又雌鴨一隻亦得賞市五鎊又雌雄十五隻共賣三十

一鎊英之國家買送新錫蘭前見作為佳種期其蕃衍

初八日丁亥陰冷而微霧入夜風晴英醫醫病又有氣

燥洋名埃爾巴斯式同光燥一箱如木籠病者赤身坐

其中頭外露箱下有管通以熱氣熱氣上蒸病者汗心

燥則食鮮果或飲涼水飲愈多汗愈出周身如洗內外

諸病自消據云此法專治疲倦及心力交瘁腦弱無神

聞之英蘭中界稍南柏克晒府之牛百里城人現合資

一千五百鎊公立氣燥館以便鄉



卷十終

